

Dr M sokong bonus bajet one-off
Malaysiakini.com
October 13, 2011
By Aidila Razak

Perdana Menteri Malaysia keempat, Tun Dr Mahathir Mohamad hari ini menyokong Bajet 2012, khususnya keputusan untuk memberi bonus tunai one-off.

Dr Mahathir menyifatkan langkah kerajaan itu umpama "membunuh dua ekor burung dengan satu batu".

"Pilihan raya ambil kira, juga tingkatkan kualiti hidup," katanya.

NONEBercakap kepada pemberita selepas melancarkan persidangan Persekutuan Pengilang Malaysia mengenai inovasi, beliau berkata, apa yang dilakukan oleh kerajaan itu adalah satu perkara yang baik.

Bagaimanapun, beliau berkata, kerajaan masih perlu melihat melalui pelaksanaan bonus tersebut.

Ditanya mengapa beliau mengambil sikap berbeza terhadap bajet Pakatan Rakyat yang turut menawarkan bonus yang sama, Dr Mahathir menganggapnya sebagai 'kosong'.

"Sudah tentu apabila anda tidak mempunyai kuasa untuk membelanjakan wang, anda tahulah bagaimana hendak membelanjakan wang orang lain.

"Tunggu sehingga mereka menjadi kerajaan, maka mereka akan tahu betapa sukarnya untuk mendapatkan wang dan bagaimana bijak atau bodohnya mereka membelanjakan wang itu," katanya.

Copyright © 1999-2007 Mkini Dotcom Sdn. Bhd
<http://www.malaysiakini.com/news/178537>